

«БЕКІТЕМІН»



Батыс Қазақстан облысының мәдениет,
тілдерді дамыту және архив ісі
басқармасы басшысының орынбасары

Ж.Нигметуллин

2025 жылғы «18» наурыз

«Жарнама – тіл тазалығының көрінісі» республикалық байқаудың облыстық кезеңін ұйымдастыру және өткізу ережесі

1. Жалпы ережелер

1. «Жарнама – тіл тазалығының көрінісі» республикалық байқаудың (бұдан әрі – Байқау) облыстық кезеңін ұйымдастыру және өткізу ережесі (бұдан әрі – Ереже) байқауға қатысу және жеңімпаздарды, жүлдегерлерді анықтау тәртібін белгілейді.

2. Байқаудың мақсаты - мемлекеттік тілдің кең ауқымды қолданысын қамтамасыз ету, мемлекеттік тілдегі көрнекі ақпараттың мәтінін сауатты ресімдеу жолдарын насихаттау, «Қазақстан Республикасындағы тіл туралы» Қазақстан Республикасы Заңы талаптарының орындалуын қадағалау.

3. Байқаудың міндеті – облыс аумағындағы кәсіпкерлік субъектілердің (шағын, орта және ірі бизнес) жарнама мәтінін әзірлейтін мамандарды, өз өнімдерін жарнамалайтын тауар өндірушілерді және заң талаптарына қайшы орналастырылған жарнама мәтіндерін анықтап, түзету жұмыстарына атсалысып жүрген азаматтарды ынталандыру.

2. Байқауды ұйымдастыру тәртібі

4. Байқауды ұйымдастырушы – Батыс Қазақстан облысының мәдениет, тілдерді дамыту және архив ісі басқармасы (бұдан әрі - Басқарма).

5. Байқауға қатысушылардың жұмысын бағалау және жеңімпаздарды анықтау үшін қазылар алқасы құрылады. Қазылар алқасының құрамын Басқарма анықтайды. Қазылар алқасының құрамына бес адамнан тұратын филолог ғалымдар, қоғам белсенділері, журналистер кіреді.

6. Қазылар алқасының мүшелері қатысушылардан түскен материалдар негізінде ашық дауыс беру арқылы жеңімпаздар мен жүлдегерлерді анықтайды. Дауыстар тең болған жағдайда, төрағаның дауысы шешуші болып табылады.

7. Қазылар алқасының шешімі хаттама түрінде ресімделеді және оған қазылар алқасының барлық мүшелері қол қояды.

3. Байқауға қатысу тәртібі

8. Байқауға квазимемлекеттік сектордың, кәсіпкерлік субъектілердің (шағын, орта және ірі бизнес) жарнама мәтінін әзірлейтін мамандар, өз өнімдерін жарнамалайтын тауар өндірушілер және заң талаптарына қайшы

орналастырылған жарнама мәтіндерін анықтап, түзету жұмыстарына атсалысып жүрген азаматтар қатыса алады.

9. Байқауға қатысушылар:

1) Ережеге қосымша берілген нысанда Байқауға қатысуға өтінімді;
2) жарнама мәтінін әзірлейтін мамандар 2024 жылдың 1 қазанынан кейін әзірлеген және аударған жарнама мәтіндерінің тізбесін;

3) тауар өндіруші:

- өзі шығаратын барлық тауарлардың толық тізбесін және тізбеге қоса арнайы мәліметтер көрсетілген тауарлық жапсырмалардың (этикеткалардың), таңбаламалардың, нұсқаулықтардың фотосуреттерін (*электронды түрде JPEG форматта*);

- ғимаратта немесе тұрғынжайда орналастырылған хабарландырудың, жарнаманың, преysкуранттың, баға көрсеткішінің, ас мәзірінің, нұсқағыштың және басқа да көрнекі ақпараттың фотосуреттерін (*электронды түрде JPEG форматта*);

4) азаматтар жарнама мәтіндерінің сауатты жазылуын қадағалап, тіл нормасы бұзылып ресімделген жарнамаларды, деректемелер мен көрнекі ақпаратты және стильдік қатемен берілген аудио/ бейнежарнамаларды анықтап, ұсыныс беру арқылы түзетілген жұмыстарды жинақтап, дәлелдейтін құжаттарды (*масс-медиадағы жарнамалардың сілтемелері немесе скриншоттары, баннер немесе билбордтағы фотосурет, келісілген жарнама үлгілері, жарнама мәтінінің түзетілгенін растайтын дейін/кейін фотоесеп және тағы басқа құжаттар*) жолдауы керек.

10. Байқауға қатысу туралы өтінімді және жұмыстарды **2025 жылғы 1 тамызға дейін bai.semgalieva@bko.gov.kz** электронды поштасына осы Ережеге қосымша берілген нысанға сәйкес «Жарнама – тіл тазалығының көрінісі» деген тақырыбымен жіберілуі қажет. Белгіленген мерзімнен кешіктіріліп ұсынылған өтінімдер қаралмайды.

4. Байқау қорытындысы

11. Байқау жеңімпазы мен жүлдегерлері арнайы дипломдар, алғысхаттар және Басқарма бекіткен жүлде қоры мөлшерінде бағалы сыйлықтармен марапатталады.


Байқау жеңімпазы Қазақстан Республикасы Ғылым және жоғары білім министрлігінің Тіл саясаты комитетінің ұйымдастыруымен өтетін байқаудың республикалық кезеңіне қатысуға жолдама алады.

12. Байқау жеңімпаздары туралы ақпарат Байқау өткеннен кейін 10 күн ішінде Басқарманың әлеуметтік желілердегі парақшаларына орналастырылады.

13. Байқау өтетін орны мен уақыты қосымша хабарланады.

Байланыс телефоны: 8(7112)50-74-66.

Мекенжайы: Орал қаласы, Х.Чурин көшесі 116, Батыс Қазақстан облысының мәдениет, тілдерді дамыту және архив ісі басқармасы.



«Жарнама – тіл тазалығының көрінісі»
республикалық байқаудың облыстық
кезеңін ұйымдастыру және өткізу ережесіне
қосымша

1-нысан

**«Жарнама – тіл тазалығының көрінісі»
республикалық байқаудың облыстық кезеңіне қатысуға
өтінім**

№	Кәсіпкерлік субъектісінің атауы	Мекенжайы	Байланыс телефондары

Басшысының лауазымы қолы, мөрі Т.А.Ә.

Өтінім берген күні, айы, жылы

*Қатысушының жеке куәлігінің көшірмесі, жұмыс орнынан анықтама қоса берілуі тиіс

Жарнама – тіл тазалығының көрінісі»
республикалық байқаудың облыстық
кезеңін ұйымдастыру және өткізу ережесіне
қосымша

2-нысан

**«Жарнама – тіл тазалығының көрінісі»
республикалық байқаудың облыстық кезеңіне қатысуға
өтінім**

№	Қатысушының Т.А.Ә. (толық)	Туған күні, айы, жылы	Білімі (жоғары, орта арнаулы, орта)	Лауазымы	Мекен жайы	Байланыс телефоны

Басшысының лауазымы қолы мөрі Т.А.Ә.

Өтінім берген күні, айы, жылы

*Қатысушының жеке куәлігінің көшірмесі, жұмыс орнынан анықтама қоса берілуі тиіс